

**BOSNA I HERCEGOVINA**  
**Federacija Bosne i Hercegovine**  
**UNSKO SANSKI KANTON**  
**GRAD BOSANSKA KRUPA**



# **SLUŽBENI GLASNIK**

## **Grada Bosanska Krupa**

**Godina XXX – Broj 7.**

**10. septembar 2024. god.**  
**Bosanska Krupa**

**Izdaje se na**  
**bosanskom jeziku**

## Sadržaj

7/24.

R/B	NAZIV AKTA	BR. STRANICE
1.	<i>Odluka o plaćama i naknadama uposlenika u Jedinstvenom gradskom organu uprave Grada Bosanska Krupa</i>	862.
2.	<i>Rješenje o dodjeli gradskih priznanja</i>	868.
3.	<i>Zaključci</i>	868-871

Na osnovu člana 46. stav 4., 5. i 6. Zakona o plaćama i naknadama u organima vlasti Unsko-sanskog kantona („Službeni glasnik Unsko-sanskog kantona“, broj: 11/15, 24/18 i 14/24), Gradsko vijeće Grada Bosanska Krupa, na prijedlog Gradonačelnika, uz prethodno pribavljeno mišljenje Sindikalne organizacije Grada Bosanska Krupa akt broj: 03-9-36/24 od 29.8.2024.godine, na svojoj XXVI (dvadesetšestoj )redovnoj sjednici održanoj dana 05.09.2024. godine, donosi:

## **ODLUKU**

### **o plaćama i naknadama uposlenika u Jedinstvenom gradskom organu uprave Grada Bosanska Krupa**

#### **DIO PRVI – UVODNI DIO**

#### **Član 1. (Predmet Odluke)**

Ovom Odlukom uređuju se plaće, naknade, dodatke i visina i način ostvarivanja prava na naknade i dodatke na plaću uposlenika u Jedinstvenom gradskom organu uprave Grada Bosanska Krupa (u daljem tekstu: gradski organ uprave u odgovarajućem padežu) kako slijedi:

- a) gradonačelnika,
- b) savjetnika gradonačelnika,
- c) državnih službenika i
- d) namještenika.

#### **Član 2. (Definicije pojmova korištenih u ovoj Odluci)**

Pojmovi korišteni u ovoj Odluci imaju sljedeće značenje:

- 1) „rukovodilac gradskog organa uprave“, u smislu ove Odluke je Rukovodilac gradskog organa uprave - Gradonačelnik (u daljem tekstu: rukovodilac organa uprave u odgovarajućem padežu);
- 2) „savjetnicima“, u smislu ove Odluke, smatraju se savjetnici Gradonačelnika,
- 3) „organ državne službe“, u smislu ove odluke, predstavlja Jedinstveni gradski organ uprave Grada Bosanska Krupa;
- 4) „radno mjesto“ je pozicija utvrđena aktom o unutrašnjoj organizaciji organa državne službe na koju se postavlja državni službenik i namještenik za vršenje poslova utvrđenih za to radno mjesto;
- 5) „platni razred“ predstavlja razvrstavanje radnih mjesta utvrđenih u aktu o unutrašnjoj organizaciji organa državne službe u određene pozicije radi određivanja iznosa osnovne plaće državnog službenika i namještenika;
- 6) „koeficijent“ predstavlja brojčanu vrijednost koja se iskazuje arapskim brojevima za svaku poziciju radnog mjesta koje su razvrstane u platne razrede organa državne službe i služi za utvrđivanje visine osnovne plaće;
- 7) „osnovica za obračun plaće“ predstavlja novčani iznos u konvertibilnim markama (u daljnem tekstu: KM) koji se koristi za određivanje osnovne plaće,
- 8) „bod za obračun plaće“ predstavlja element za utvrđivanje osnovne plaće, brojčana vrijednost koja se množi sa osnovicom.

#### **Član 3. (Načela za utvrđivanje visine plaće)**

Pri određivanju iznosa plaća i naknada za lica iz člana 1. ove odluke poštivat će se sljedeća načela:

- a) Ista plaća za isto radno mjesto: prema osnovnom načelu uposleni u gradskom organu koji obavljaju poslove istog radnog mjesta odnosno iste ili slične poslove imaju pravo na istu osnovnu plaću po vrsti i stepenu stručne spreme, izuzev ako to nije ovom odlukom drugačije određeno.

- b) Transparentnost: u skladu sa ovim načelom, prilikom raspisivanja javnih konkursa i oglasa za popunjavanje radnih mjesta obavezno se objavljuje podatak o pripadajućoj osnovnoj neto plaći za oglašeno radno mjesto;
- c) Fiskalna odgovornost: u skladu sa ovim načelom vodeći računa o nesmetanom funkcionisanju gradskog organa uprave, rukovodilac organa uprave će za korisnike budžeta koje tretira ova odluka utvrditi jedinstven isplatni koeficijent za obračun plaće u određenom postotku za fiskalnu godinu ukoliko to zahtjeva održavanje makroekonomske stabilnosti u skladu sa Zakonom o budžetima u Federaciji Bosne i Hercegovine.

#### **Član 4.**

##### **(Budžetsko osiguranje sredstava za plaće i naknade)**

Finansijska sredstva za plaće i naknade i druga primanja lica iz člana 1. ove odluke planiraju se i osiguravaju u Budžetu Grada Bosanska Krupa.

#### **Član 5.**

##### **(Način utvrđivanja osnovice za obračun plaće)**

Osnovica za obračun plaće utvrđuje se za svaku budžetsku godinu.

Prilikom obračuna plaće, pored osnovice iz stava 1. koristit će se bod za obračun plaće koji se utvrđuje za svaku budžetsku godinu.

Utvrđivanje osnovice i boda vrši se u pregovorima sa reprezentativnim sindikatom. Ukoliko se ne postigne dogovor, gradonačelnik će utvrditi osnovicu i bod, pri čemu visina osnovice i boda ne može biti niža od prethodno dogovorene, odnosno važeće.

Prilikom utvrđivanja osnovice i boda za obračun plaće iz stavova 1. i 2. ovog člana uzet će se u obzir projekcije budžeta za narednu godinu, kretanje BDP, indeksa potrošačkih cijena, a prema podacima Federalnog zavoda za statistiku i projekcije prihoda Federalnog ministarstva finansija.

Osnovica za obračun plaće ne može biti veća od dogovorene osnovice na federalnoj razini.

#### **Član 6.**

##### **(Elementi za utvrđivanje osnovne plaće)**

Osnovna plaća se utvrđuje množenjem osnovice za plaću i boda za obračun plaće iz člana 5. stav 2. ove Odluke sa utvrđenim koeficijentom platnog razreda.

Osnovna plaća iz stava 1. ovog člana uvećava se za 0,6 % za svaku započetu godinu penzijskog staža uposlenika u gradskom organu uprave, a najviše do 20%.

Osnovna plaća ne može biti manja od 70% prosječne neto plaće isplaćene u Federaciji Bosne i Hercegovine, prema posljednjem objavljenom statističkom podatku.

U slučaju da množenjem utvrđene osnovice i boda za obračun plaće i pripadajućeg koeficijenta platnog razreda, osnovna plaća iznosi manje od 70% prosječne plaće, osnovna plaća će se obračunavati kao u stavu 3. ovog člana.

Osnovna plaća obračunava se i iskazuje mjesečno za puno radno vrijeme, prema radnom mjestu i odgovarajućem platnom razredu.

Za rad sa nepunim radnim vremenom, u skladu sa posebnim zakonom ili drugim propisima, osnovna plaća odredit će se srazmjerno vremenu provedenom na radu.

Puno radno vrijeme zaposlenih je 40 sati sedmično.

## DIO DRUGI – PLAĆE I NAKNADE

### POGLAVLJE I – Plaće i naknade rukovodioca organa uprave i savjetnika Odjeljak A. Plaće

#### Član 7. (Vrijeme ostvarivanja prava na plaću)

Rukovodilac organa uprave pravo na plaću ostvaruje danom potvrđivanja izbora i isti ima pravo na položajni dodatak u iznosu do 20% od osnovne plaće. Savjetnici pravo na plaću ostvaruju danom imenovanja.

#### Član 8. (Platni razredi i koeficijenti za rukovodioca organa uprave i savjetnika gradonačelnika)

Platni razred	Radno mjesto	Koeficijent
I	Rukovodilac organa uprave	9,80
II	Savjetnik	6,40

#### Član 9. (Plaća i dodaci)

Osnovna plaća rukovodioca organa uprave i savjetnika utvrđuje se prema članu 6. ove odluke.

### Odjeljak B. Naknade

#### Član 10. (Naknade)

Rukovodioc organa uprave i savjetnik imaju pravo na naknade utvrđene u odredbama člana 11. do 17. Zakona o plaćama i naknadama u organima vlasti Unsko-sanskog kantona (naknada plaće zbog bolesti ili povrede, naknada plaće za troškove ishrane-topli obrok, naknada za smještaj u mjestu rada, naknada za godišnji odmor i plaćeni dopust, naknada za slučaj smrti, teške bolesti i invalidnosti, otpremnina prilikom odlaska u penziju i naknada troškova za službena putovanja).

Savjetnicima kojima nije organizovan službeni prijevoz na posao i s posla, a čije je mjesto stanovanja od mjesta rada udaljeno najmanje pet kilometara, pripada naknada za troškove prijevoza.

Način ostvarivanja prava iz stava 1. i 2. ove Odluke, kao i visina određenih naknada se utvrđuje pravilnikom o plaćama i naknadama uposlenika Jedininstvenog gradskog organa uprave Grada Bosanska Krupa i odlukom o službenim putovanjima.

### POGLAVLJE II. Plaće, dodaci na plaću i naknade državnih službenika i namještenika

#### Odjeljak A. Plaće

#### Član 11. (Određivanje plaće prema radnim mjestima)

Državni službenik i namještenik ima pravo na plaću koja odgovara radnom mjestu na koje je državni službenik odnosno namještenik postavljen.

#### Član 12. (Bruto i neto plaća)

Plaća državnog službenika i namještenika utvrđuje se u bruto i neto iznosu. Plaća u bruto iznosu obuhvaća neto plaću, poreze i doprinose.

**Član 13.**  
**(Platni razredi i koeficijenti državnih službenika)**

Platni razred	Radno mjesto	Koeficijent
I	- sekretar gradskog organa uprave	6,20
II	- pomoćnik gradonačelnika	5,70
III	- šef službe koja u svom sastavu nema unutrašnje organizacione jedinice	5,20
IV	- šef Kabineta gradonačelnika	4,85
V	- šef unutrašnje organizacijske jedinice	4,50
VI	- inspektor	4,30
VII	- stručni savjetnik	4,10
VIII	- viši stručni saradnik	3,90
IX	- stručni saradnik	3,70

**Član 14.**  
**(Platni razredi i koeficijenti za namještenika)**

(1) Utvrđuju se slijedeći platni razredi i koeficijenti za namještenike:

Platni razred	Radno mjesto	Koeficijent
I	- šef unutrašnje organizacijske jedinice (VŠS)	3,20
II	- viši samostalni referent (VŠS)	3,10
III	- samostalni referent (VŠS)	3,00
IV	- viši referent (SSS)	2,70
V	- referent (SSS)	2,60
VI	- pomoćni radnik i nekvalifikovani radnik (NK radnik)	1,85

**Odjeljak B. Dodaci na plaću**

**Član 15.**  
**(Vrste dodataka na plaću)**

Državni službenik i namještenik ima pravo na dodatak na plaću koji su utvrđeni u odredbama člana 16. ove Odluke.

**Član 16.**  
**(Dodatak na plaću po osnovu posebnih uvjeta rada)**

Dodatak na plaću po osnovu posebnih zakona iznosi:

- a) za inspektore, starješini vatrogasne jedinica i vatrogascu od 20% do 30% od osnovne plaće;
- b) za ostale poslove koji se vrše pod posebnim uvjetima određenim posebnim zakonom i aktom rukovodioca organa uprave dodatak na plaću se može odrediti od 10% do 30%.

Poseban dodatak iz stava 1. ovog člana obračunava se na osnovnu plaću bez dijela plaće po osnovu radnog staža i čini sastavni dio plaće.

Visina i način ostvarivanja dodatka na plaću utvrđuje se pravilnikom o plaćama i naknadama uposlenika Jedinog gradskog organa uprave Grada Bosanska Krupa.

## **Odjeljak C. Naknade**

### **Član 17. (Naknade)**

Državni službenik i namještenik ima pravo na naknade utvrđene odredbama člana 25. do 37. Zakona o plaćama i naknadama u organima vlasti Unsko-sanskog kantona (naknada za prekovremeni rad, rad u neradne dane, noćni rad i rad u dane državnih praznika, plaćeni dopust, naknada za ishranu tokom rada, regres za godišnji odmor, naknada za bolovanje, naknada za porodiljski dopust, naknada za službeno putovanje, naknada za prijevoz na posao i s posla, naknada za slučaj povrede na radu, teške bolesti i invalidnosti, naknada za slučaj smrti i pravo na osiguranje od posljedica nesretnog slučaja, otpremnina, naknada u slučaju prekobrojnosti i naknada za rad u komisijama i druge naknade).

Način ostvarivanja prava iz stava 1. ove Odluke, kao i visina određenih naknada se utvrđuje pravilnikom o plaćama i naknadama uposlenika Jedinственog gradskog organa uprave Grada Bosanska Krupa, odlukom o službenim putovanjima i drugim aktima rukovodioca organa uprave.

## **Odjeljak D. Plaće za pripravnike i naknade za volontere**

### **Član 18. (Visina plaće za pripravnike)**

Plaća pripravnika visoke (180 ECTS i 240 ECTS), više i srednje stručne spreme u organu državne službe utvrđuje se u iznosu, i to:

- a) za visoku školsku spremu u iznosu od 80% od početne osnovne plaće utvrđene za radno mjesto stručnog saradnika;
- b) za višu školsku spremu u iznosu od 80% od početne osnovne plaće utvrđene za radno mjesto samostalnog referenta;
- c) za srednju stručnu spremu u iznosu od 80% od početne osnovne plaće utvrđene za radno mjesto referenta;

Visina naknade iz stava 1. ovog člana određuje se od osnovne plaće odgovarajuće školske spreme.

### **Član 19. (Visina naknade za volontere)**

Volonteru visoke (180 ECTS i 240 ECTS), više i srednje stručne spreme u organu državne službe može se, ukoliko su sredstva obezbijedena u Budžetu, utvrditi pravo na naknadu, i to:

- a) za visoku školsku spremu u iznosu od najmanje 60% od osnovne plaće utvrđene za radno mjesto stručnog saradnika;
- b) za višu školsku spremu u iznosu od najmanje 60% od osnovne plaće utvrđene za radno mjesto samostalnog referenta;
- c) za srednju stručnu spremu u iznosu od najmanje 60% od osnovne plaće utvrđene za radno mjesto referenta;

Visina naknade iz stava 1. ovog člana određuje se od osnovne plaće odgovarajuće školske spreme.

## **Odjeljak F. Postupak za ostvarivanje prava na plaću i naknadu**

### **Član 20. (Ostvarivanje prava na plaću i naknadu)**

Postupak za ostvarivanje prava na plaću, naknade i dodatke uređuje se pravilnikom o plaćama i naknadama uposlenika Jedinственog gradskog organa uprave Grada Bosanska Krupa, odlukom o službenim putovanjima i drugim aktima rukovodioca gradskog organa uprave, a u skladu sa Zakonom o plaćama i naknadama u organima vlasti Unsko-sanskog kantona, ovom Odlukom, Kolektivnim ugovorom za službenike organa uprave i sudske vlasti u Federaciji Bosne i Hercegovine.

**Član 21.**  
**(Službe nadležne za vršenje nadzora)**

Nadzor nad primjenom ove Odluke vrši Služba za finansije i Služba za opću upravu i društvene djelatnosti, svako u okviru svojih nadležnosti.

**DIO TREĆI - KAZNE ODREDBE**

**Član 22.**  
**(Novčane kazne)**

Novčanom kaznom u iznosu od 500 KM do 2.000 KM kaznit će se za prekršaj rukovodilac organa uprave:

- a) ako ne odredi plaću za radno mjesto na koje je državni službenik, odnosno namještenik postavljen (član 6. ove odluke),
- b) ako odredi dodatak na plaću po osnovu uvjeta rada suprotno odredbama člana 16. ove odluke,
- c) ako odredi naknade suprotno članu 10. i 17. ove Odluke,
- d) ako ne donese pravilnik o plaćama i naknadama (član 23. ove Odluke)

**DIO ČETVRTI - PRELAZNE I ZAVRŠNE ODREDBE**

**Član 23.**  
**(Rok za donošenje pravilnika o plaćama i naknadama)**

Rukovodilac organa uprave dužan je donijeti pravilnik o plaćama i naknadama uposlenika Jedinog gradskog organa uprave Grada Bosanska Krupa u roku od 8 dana od dana stupanja na snagu ove Odluke, a u roku od 5 dana donijeti rješenja o platama za stručne saradnike usklađene sa odredbama ove Odluke, s tim da pravo na koeficijent za stručne saradnike u iznosu od 3,70, kao i obračun plaće po istom koeficijentu teče od dana stupanja na snagu Zakona o izmjenama i dopunama Zakona o plaćama i naknadama u organima vlasti u Unsko-sanskom kantonu („Službeni glasnik USK-a“, broj: 14/24).

Rok za izradu/usklađivanje rješenja o plaći, naknadi i ostalim materijalnim primanjima ostalih uposlenih u Jedinom gradskom organu uprave Grada Bosanska Krupa je 90 dana od dana stupanja na snagu pravilnika o plaćama i naknadama uposlenika Jedinog gradskog organa uprave Grada Bosanska Krupa.

**Član 24.**  
**(Prestanak primjene odredbi drugih odluka)**

Danom stupanja na snagu ove odluke prestaje primjena odredbi Odluke o plaćama i naknadama uposlenika u općinskim organima Bosanska Krupa („Službeni glasnik Općine Bosanska Krupa“, broj: 9/15, 7/18, 10/18 i 4/22), a koje se odnose na plaće, naknade i druga materijalna prava općinskog načelnika/gradonačelnika, savjetnika općinskog načelnika/gradonačelnika, državne službenike i namještenike Jedinog općinskog organa uprave Općine Bosanska Krupa, te pripravnike i volontere Jedinog općinskog organa uprave Općine Bosanska Krupa.

**Član 25.**  
**(Stupanje na snagu)**

Ova odluka stupa na snagu danom objave u „Službenom glasniku Grada Bosanska Krupa“.

Broj: 01-02-292-3-1/24  
Dana, 05.09.2024. godine

**PREDSJEDAJUĆI GRADSKOG VIJEĆA**  
Alen Lipovača, s.r.

\*\*\*\*\*

Na osnovu člana 2. Zakona o javnim priznanjima USK-a („Službeni glasnik USK-a“ broj: 4/98), člana 2. stav 1. alineja 9. i člana 3. Uredbe o utvrđivanju značajnih datuma na području USK („Službeni glasnik USK-a“, broj: 8/98), člana 21. stav (1) tačka č) Zakona o lokalnoj samoupravi USK-a („Službeni glasnik Unsko-sanskog kantona“, broj: 8/11)) i člana 5. Odluke o općinskim priznanjima („Službeni glasnik općine Bosanska Krupa“, broj: 5/11) na prijedlog Komisije za javna priznanja i obilježavanje historijskih



događaja i ličnosti, Gradsko vijeće grada Bosanska Krupa na svojoj XXVI (dvadesetšestoj) redovnoj sjednici održanoj dana, 05.09.2023. godine, donosi:

## RJEŠENJE

### I

Povodom obilježavanja Dana grada Bosanska Krupa - 17. septembra, a na osnovu kriterija utvrđenih u Zakonu o javnim priznanjima USK-a („Službeni glasnik USK" broj: 4/98), Uredbi o utvrđivanju značajnih datuma USK („Službeni glasnik USK" broj: 8/98) i Odluke o općinskim priznanjima ("Službeni glasnik općine Bosanska Krupa" broj: 5/11.), Gradsko vijeće Grada Bosanska Krupa dodjeljuje Gradska priznanja kako slijedi:

**Plaketa "17. Septembar"**, dodjeljuje se:

- **d.o.o. "BALKIĆ IMPEX" Bosanska Krupa** - za doprinos u promovisanju Grada Bosanska Krupa u oblasti trgovine i turizma, investicijskih ulaganja i upošljavanju većeg broja radnika.
- **Muhidin Šertović** - Za svoju humanost, svakodnevnu pomoć stanovnicima Bosanske Krupe i razvoj sistema zdravstvene zaštite na području Grada Bosanska Krupa i Unsko sanskog kantona.

**Plaketa "Oslobodilaca Bosanske Krupe"**, dodjeljuje se:

- **Ćemalović Edhem** - posthumno, za izuzetan doprinos u odbrani i oslobođenju grada Bosanska Krupa i države Bosne i Hercegovine,
- **Salkić Mujo** - posthumno, za izuzetan doprinos u odbrani i oslobođenju grada Bosanska Krupa i države Bosne i Hercegovine,
- **Mušeljić Arif** - posthumno, za izuzetan doprinos u odbrani i oslobođenju grada Bosanska Krupa i države Bosne i Hercegovine,
- **Šarić Nedžad** - za izuzetan doprinos u odbrani i oslobođenju grada Bosanska Krupa i države Bosne i Hercegovine,
- **Velagić Senad** - za izuzetan doprinos u odbrani i oslobođenju grada Bosanska Krupa i države Bosne i Hercegovine,
- **Nuhanović Redžo** - za izuzetan doprinos u odbrani i oslobođenju grada Bosanska Krupa i države Bosne i Hercegovine,
- **Jusić Mirzet** - za izuzetan doprinos u odbrani i oslobođenju grada Bosanska Krupa i države Bosne i Hercegovine,
- **Suljić Mehmed Meho** - Za izuzetan doprinos u organizovanju odbrane na početku agresije na BiH, i hrabrost i požrtvovnost prilikom učešće odbrambenim i oslobodilačkim akcijama u jedinicama Armije R BiH
- **Šarić Ferid** - za izuzetan doprinos u odbrani i oslobođenju grada Bosanska Krupa i države Bosne i Hercegovine,
- **Šarić Endir** - za izuzetan doprinos u odbrani i oslobođenju grada Bosanska Krupa i države Bosne i Hercegovine,

- **Sedić Muharem** - za izuzetan doprinos u odbrani i oslobođenju grada Bosanska Krupa i države Bosne i Hercegovine.

**Zahvalnica Grada Bosanske Krupe, dodjeljuje se:**

- **Biciklistički klub "Ljusina"** Bosanska Krupa - za doprinos u promovisanju Grada Bosanska Krupa u oblasti kulture, fizičke kulture i sporta,
- **d.o.o. "GRAĐEVINARSTVO GROŠIĆ"** Bosanska Krupa, za doprinos u promovisanju Grada Bosanska Krupa u oblasti privrede kroz izuzetno uspješno urađene projekte i otvaranje novih radnih mjesta,
- **Mesić Avdo** - za doprinos u razvoju i promovisanju Grada u oblasti obrazovanja,
- **Moto klub Castrum Hiesera Bosanska Krupa** - za u promovisanju Grada kroz moto-turizam,
- **SPD Brestovac** – za razvoju poljoprivredne proizvodnje,
- **Jasmina Bajraktarević** – za promovisanju Grada u projektima od značaja za lokalnu zajednicu,
- **URBAN - X KES Bosanska Krupa,**
- **Farma Novkinić,** za razvoju poljoprivredne proizvodnje,
- **Bužimkić Fadil** – za nesebičan doprinos u poboljšanju uslova života lokalne zajednice, humanitarni i društveno korisni rad, (uređenje kupališta Babluk, Brkića bunara te očuvanja prirode),
- **Bajramović Hazim** – za nesebičan angažman i pomoć socijalno ugroženim sugrađanima i osobama na marginama društva,
- **Nerma Rekić** - za nesebičan angažman i pomoć bolesnim i socijalno ugroženim sugrađanima,
- **Udruženje građana Organizacija porodica šehida i poginulih boraca Općine Bos Krupa** – za dugogodišnji rad, naročito zbog brige koju vode na održavanju šehitluka.

**II**

Ovo Rješenje stupa na snagu danom objavljivanja u „Službenom glasniku Grada Bosanska Krupa“.

**Broj:** 01-02-292-4-1/24

**Dana,** 05.09.2024. godine

**PREDSJEDAVAJUĆI GRADSKOG VIJEĆA**

Alen Lipovača, s.r.

\*\*\*\*\*

Na osnovu člana 21. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona» broj: 8/11) i člana 92. tačka 7. Poslovnika o radu Općinskog vijeća („Službeni glasnik općine Bosanska Krupa”, broj: 8/18, 3/20 i 10/21), Gradsko vijeće na prijedlog vijećnika Mušeljić Muhameda, razmatralo je Prijedlog zaključka kojim se nalaže upravi JKP “10 JULI” da razmotri finansijsku mogućnost povećanja plata fizičkim radnicima JKP “10 JULI”, i na XXVI (dvadesetšestoj) redovnoj sjednici održanoj dana, 05.09.2024. godine, donosi:

**ZAKLJUČAK**

**Član 1.**

Prijedlog zaključka kojim se nalaže upravi JKP “10 JULI” da razmotri finansijsku mogućnost povećanja plata fizičkim radnicima JKP “10 JULI”, nije dobio potrebnu vijećničku većinu glasova.

## Član 2.

Ovaj zaključak bit će objavljen u „Službenom glasniku Grada Bosanska Krupa“.

Broj: 01-02-292-2/24

Dana, 05.09.2024. godine

**PREDSJEDAVALAČI GRADSKOG VIJEĆA**

Alen Lipovača, s.r.

\*\*\*\*\*

Na osnovu člana 21. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona» broj: 8/11) i člana 92. tačka 7. Poslovnika o radu Općinskog vijeća („Službeni glasnik općine Bosanska Krupa”, broj: 8/18, 3/20 i 10/21), Gradsko vijeće na prijedlog Gradonačelnika, razmatralo je Prijedlog odluke o plaćama i naknadama uposlenika u Jedinostvenom gradskom organu uprave Grada Bosanska Krupa, i na XXVI (dvadesetšestoj) redovnoj sjednici održanoj dana, 05.09.2024. godine, donosi:

## ZAKLJUČAK

### Član 1.

Prijedlog odluke o plaćama i naknadama uposlenika u Jedinostvenom gradskom organu uprave Grada Bosanska Krupa, *usvaja se u ponuđenom tekstu.*

### Član 2.

Ovaj zaključak bit će objavljen u „Službenom glasniku Grada Bosanska Krupa“.

Broj: 01-02-292-3/24

Dana, 05.09.2024. godine

**PREDSJEDAVALAČI GRADSKOG VIJEĆA**

Alen Lipovača, s.r.

\*\*\*\*\*

Na osnovu člana 21. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona” broj: 8/11) i člana 92. tačka 7. alineja 1. Poslovnika o radu Općinskog vijeća („Službeni glasnik općine Bosanska Krupa”, broj: 8/18, 3/20 i 10/21), Gradsko vijeće na prijedlog Komisije za javna priznanja i obilježavanje historijskih događaja i ličnosti, razmatralo je Prijedlog rješenja za dodjelu općinskih priznanja, i na XXVI (dvadesetšestoj) redovnoj sjednici održanoj dana, 05.09.2024. godine, donosi:

## ZAKLJUČAK

### Član 1.

Prijedlog rješenja za dodjelu općinskih priznanja, *usvaja se u ponuđenom tekstu.*

### Član 2.

Ovaj zaključak bit će objavljen u „Službenom glasniku Grada Bosanska Krupa“.

Broj: 01-02-292-4/24

Dana, 05.09.2024. godine

**PREDSJEDAVALAČI GRADSKOG VIJEĆA**

Alen Lipovača, s.r.

\*\*\*\*\*

Na osnovu člana 21. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona» broj: 8/11) i člana 92. tačka 7. Poslovnika o radu Općinskog vijeća („Službeni glasnik općine Bosanska Krupa”, broj: 8/18, 3/20 i 10/21), Gradsko vijeće na prijedlog Kolegija Gradskog vijeća, razmatralo je Informacija Policijske stanice o stanju sigurnosti za mjesec juni 2024. godine, XXVI (dvadesetšestoj) redovnoj sjednici održanoj dana, 05.09.2024. godine, donosi:

## ZAKLJUČAK

### Član 1.

Informacija Policijske stanice o stanju sigurnosti za mjesec juni i juli 2024. godine, *prima se k znanju.*

### Član 2.

Ovaj zaključak bit će objavljen u „Službenom glasniku Grada Bosanska Krupa“.

Broj: 01-02-292-5/24

Dana, 05.09.2024. godine

**PREDSJEDAVAJUĆI GRADSKOG VIJEĆA**

Alen Lipovača, s.r.

\*\*\*\*\*